

միակ՝ «նախագգուշացում» միջոցը Կրթության պետական տեսչությունը կիրառել է օրենսդրության բոլոր խախտումների դեպքում:

2018 թվականի համար Տեսչական մարմինը չէր կարող կիրառել պատասխանատվության միջոցներ, քանի որ առ այսօր հաստատված չեն պատասխանատվության տեսակները, միջոցներ կիրառելու ձևերն ու ընթացակարգերը:

III մաս. Տեսչական մարմնի վարչարարությունը և ուսումնասիրությունները

- 1. Տեսչական մարմինը 2017թ. կատարել է 150, իսկ 2018թ. 2 փաստացի ստուգումներ՝ ուսումնասիրությունների անվան տակ՝ խախտելով «ՀՀ-ում ստուգումների կազմակերպման և անցկացման մասին» ՀՀ օրենքի 2-րդ մասի 2-րդ կետի դրույթները:**

ՀՀ ԿԳՆ կրթության պետական տեսչության 2017 թվականի ստուգումների ժամանակացույցով նախատեսված է եղել 135 ստուգում, սակայն հիմք ընդունելով ՀՀ կառավարության 2015թ. հուլիսի 30-ի N 839-Ա որոշումը՝ թվով 47 առևտրային կազմակերպություններ հանվել են ստուգումների ժամանակացույցից, և ստուգումներ իրականացվել են 88 ՊՈԱԿ-ներում և ՀՈԱԿ-ներում:

- 2. Տեսչական մարմինը չի կատարել ուսումնասիրություններ «ՀՀ-ում ստուգումների կազմակերպման և անցկացման մասին» ՀՀ օրենքի 1-ին հոդվածի 3-րդ մասով սահմանված կարգով:**

Վերոհիշյալ օրենքի և իր կանոնադրական պահանջներից, նաև կրթության բնագավառի առանձնահատկություններից ելնելով՝ տեսչական մարմնի կողմից որոշ ուսումնասիրություններ կատարվել են տնտեսավարող սուբյեկտներում:

IV մաս. Տեսչական մարմնի կողմից լիցենզիաների պայմանների և պահանջների պահպանման նկատմամբ վերահսկողությունը

- 1. Կրթության և գիտության նախարարության Լիցենզավորման գործակալությունը իրականացրել է գործառույթ, որի համար օրենքով լիազորված էր Տեսչական մարմինը, որը խախտում է «Տեսչական մարմինների մասին» ՀՀ օրենքի 6-րդ հոդվածի 1-ին մասի 4-րդ կետի և Կանոնադրության 10-րդ կետի 4-րդ ենթակետի դրույթները:**

Սույն գործառույթն իրականացվել է Տեսչական մարմնից անկախ պատճառով:

V մաս. Բարձրագույն ուսումնական հաստատությունների վերահսկողությունը

Կրթության տեսչական մարմնի կանոնադրությամբ (ընդունվել է 11.06.2018թ.) սահմանվում են Տեսչական մարմնի խնդիրները վերահսկողության հետևյալ ոլորտներում՝ նախադպրոցական կրթություն, հանրակրթություն, նախնական մասնագիտական (արհեստագործական) ու միջին մասնագիտական կրթության (հոդված 2, կետ 9):

Հետևաբար, **Տեսչական մարմինը լիազորված չէ** վերահսկողություն իրականացնել ԲՈՒՀ-երում:

VI մաս. Իր իրավասությանը վերաբերող իրավական ակտերի նախագծերի մշակումը և համապատասխան մարմիններին ներկայացումը

1. Տեսչական մարմինը չի իրականացրել իր իրավասությանը վերաբերող իրավական ակտերի նախագծերի մշակման, գործող իրավական ակտերում փոփոխությունների և համապատասխան մարմիններին ներկայացնելու իր պարտավորությունը, որը սահմանված է Կանոնադրության 14-րդ կետի 2-րդ ենթակետով և «Տեսչական մարմինների մասին» ՀՀ օրենքի 7-րդ հոդվածի 7-րդ կետի 1.1) ենթակետով:

ՀՀ ԿԳՆ կրթության տեսչական մարմնի ղեկավարի՝ N 04/24/4625-182018-04-25 գրությամբ ՀՀ կառավարության աշխատակազմի ղեկավարին է ներկայացվել ՀՀ կրթության տեսչական մարմնի կանոնադրության, ՀՀ կառավարության 2017 թվականի սեպտեմբերի 7-ի «Հայաստանի Հանրապետության կրթության և գիտության նախարարության կրթության տեսչական մարմին ստեղծելու, Հայաստանի Հանրապետության կրթության և գիտության նախարարության կրթության տեսչական մարմնի կանոնադրությունը և կառուցվածքը հաստատելու, Հայաստանի Հանրապետության կառավարության 2002 թվականի սեպտեմբերի 12-ի N 1579-Ն որոշման մեջ լրացումներ ու փոփոխություններ կատարելու և 2004 թվականի դեկտեմբերի 30-ի N 1927-Ն որոշման մեջ փոփոխություններ կատարելու մասին» N 1150-Ն որոշումը ուժը կորցրած ճանաչելու մասին Հայաստանի Հանրապետության կառավարության որոշման և Հայաստանի Հանրապետության կրթության տեսչական մարմնի կանոնադրությունը հաստատելու մասին Հայաստանի Հանրապետության վարչապետի որոշման նախագծերը (կցվում են):

Խորհրդի հավանությանն են ներկայացվել Տեսչական մարմնի ստուգաթերթերը, ստուգումների մեթոդաբանությունը հաստատելու մասին ՀՀ կառավարության որոշումների նախագծերը և այլն:

Տեսչական մարմնի իրավասությանը վերաբերող այլ իրավական ակտերի նախագծերի մշակման կամ գործող իրավական ակտերում փոփոխություններ կատարելու անհրաժեշտություն չի եղել:

VII. Բացառական աշխատանքների իրականացումը, տնտեսավարող սուբյեկտներին իրենց իրավունքների և պարտականությունների մասին տեղեկացումը, իրավական, մասնագիտական, մեթոդական աջակցության ապահովումը և կանխարգելիչ գործունեությունը:

1. Տեսչական մարմինը չի իրականացրել ՀՀ օրենքների և դրանց համապատասխան ընդունված իրավական ակտերի դրույթների կիրառման վերաբերյալ բացառական աշխատանքների իրականացման, տնտեսավարող սուբյեկտներին իրենց իրավունքների և պարտականությունների մասին տեղեկացման, իրավական, մասնագիտական, մեթոդական աջակցության ապահովման և կանխարգելիչ գործունեության իր պարտավորությունը՝ խախտելով Կանոնադրության 10-րդ կետի 3-րդ ենթակետի դրույթները:

Տեսչական մարմինն իր ձևավորումից հետո, առաջնորդվելով 2018թ. աշխատանքային ծրագրով, որը հաստատված է կառավարման խորհրդի 2018թ. հուլիսի 3-ի նիստում, խորհրդատվական բնույթի ու մեթոդական աջակցման նպատակով հանդիպումներ է ունեցել, այնուհետ նաև վերահսկողություն իրականացրել ՀՀ Վայոց ձորի, ՀՀ Կոտայքի մարզպետարանների աշխատակազմերի կրթության, մշակույթի և սպորտի վարչություններում, ՀՀ Արարատի մարզի Մասիսի, ՀՀ Արմավիրի մարզի Մեծամորի, ՀՀ Լոռու մարզի Ստեփանավանի, ՀՀ Տավուշի մարզի Իջևանի համայնքապետարանների կրթության հարցերով զբաղվող ստորաբաժանումներում: Վերահսկողական գործընթացի արդյունքում բացահայտված խախտումների հետևանքների և թերությունների վերացման նպատակով ներկայացված հանձնարարականների և առաջարկությունների կատարման նկատմամբ վերահսկողություն (հետադարձ կապ) ու պարբերաբար մեթոդական օգնություն է տրվել Երևան քաղաքում և ՀՀ մարզերում աշխատանքային այցերով գտնվող տեսչական մարմնի ծառայողների կողմից:

Ամբողջ տեղեկատվությունը տեղադրված է նաև տեսչական մարմնի կայքում՝ <http://www.eib.am>

VIII. Ռիսկի վրա հիմնված ստուգումների համակարգ

- 1. Տեսչական մարմինը 2018թ. չի ունեցել ռիսկի վրա հիմնված ստուգումների մեթոդաբանություն՝ խախտելով «Հայաստանի Հանրապետությունում ստուգումների կազմակերպման և անցկացման մասին» ՀՀ օրենքի 2.1-րդ հոդվածի 2 մասի դրույթները:**

Մեթոդաբանությունը ներկայացվել է, անցել է նաև սահմանված կարգով փորձարկման փուլը, սակայն Տեսչական մարմնից անկախ պատճառով չի հաստատվել:

- 2. Ստուգումների և գործունեության տարեկան ծրագրերը կազմվել են օգտագործելով արդեն իսկ գոյություն չունեցող մարմնի ռիսկի վրա հիմնված ստուգումների մեթոդաբանությունը:**

Որպեսզի 2018 թվականին ապահովվեր Տեսչական մարմնի ծառայողների աշխատանքային ծանրաբեռնվածությունը, կազմվել են ստուգումների ժամանակացույցը և գործունեության տարեկան ծրագիրը ավելի վաղ, քան կհաստատվեր ռիսկի վրա հիմնված ստուգումների նոր մեթոդաբանությունը: